

Yik'el ta at'el Spisil Ants winiketik ta 2026 le' ta Sistema OPLE **(Scholel binax tulan sk'oplal)**

Te Instituto Nacional Electoral, sok ta stojol te Dirección Ejecutiva yu'un Servicio Profesional Electoral Nacional, ya yik' spisil te antswiniketik te ya sk'an x-ochik ta at'el ta Servicio Profesional Electoral Nacional te bit'il chajpanbil yu'un te Organismos Públicos Locales Electorales ja' te yakuk anajk'an abiilik ta Tsaltomba ya spasik ta 2026, swenta ya x-ochatik ta jtuunel sok ta at'el ta Servicio Profesional Electoral Nacional le' ta Organismos Públicos Locales Electorales (OPLE).

I. Bina ya yich' pasel

Ya yich'ik tsaal, bayalik mach'atik ya yilik te bit'il ya xk'ot ta pasel, toj ya yich' pasel sok ja'me ya yilik te bin lekil at'elil spasojike, te antswiniketik ay snopjunik yu'un, snopjibalik, ay sbijilalik sok te yakuk smulanik x-at'ejik ta stojol yantik antswiniketik te ja'me ya yich' k'anel k'alal ya x-at'ejik ta yorail stsaal j-at'el jtuuneletik le' ta OPLE.

Te Tsaltomba spasik te Antswiniketik ja' swenta stulantesel te at'el spasta ta yorail stsaal j-at'el jtuuneletik ta estaro, ja' yu'un ya yich' leel j-at'eletik te lajem snopjunik, te ay snopjibalik sok te ya yak' sk'opik k'alal yich' tsaal jtuuneletik jich bit'il cholbil tel sk'oplal, ja'nix jich ay chajbanbil at'el ya yich' pasel ta stojol, te pajaluk sok lek ch'uunbiluk ta pasel, sok smeletik sok kanantaybiluk te k'alal yak' sk'opik-k'alal ya stsaik stuunelik spisil te antswiniketik.

II. Mach'atik ya stak' x-ochik

Ja'me ya stak' snajk'an sbiilik spisil te mach'atik mejikanoetik te ya sk'an x-ochik ta at'el ta Servicio Profesional Electoral Nacional jich bit'il chajbanbil yu'un te OPLE, soknix yame sk'an te ts'akal sjunal yu'unik jich bit'il ya yal ta jun la spukbey sk'oplalul, te ayuk snopjunik sok sbijilalik ta stojol te at'el ya x-ak'botike k'alal ya stsal sbaik. Ja'nix jich, yame stak' x-ochik ta tsaltomba uk te j-at'eletik yu'un te Servicio Profesional Electoral Nacional teme ya sk'an x-ochik ta j-at'el jtuunel mok ya smulanik xtuy beel xan te yat'ele, ja'me chikan ts'iin teme ts'akal spisil yu'un te bin xk'anbot k'alal pujk sk'oplal ta jun te ik'ele.

III. Bina ya yich' k'anel yu'un ya yich' najk'anel abiil

- Te ayuk waxaklajuneb yawilalik le' ta México, te julemuk sch'ulelalik sok ayuk snopjibalik ta skuxlejalik ta stsaal yaj stuunelik.
- Ja' te ayuk skretensialik te maba k'axem yorail swenta ya stak' stsaik j-at'el jtuuneletik.
- Te mayuk snutsoj junuk partiroetik.
- Te mayuk najk'anbil sbiil yu'un te partiroetik swenta x-ak'ot ta j-at'el jtuunel yu'un te antswiniketik le' ta yoxebal tel jawile.
- Te mayuk makbil sbe yu'un mantalil swenta ya x-at'ej ta jtuunel.
- Te ayuk snopjunik ta stojol te at'el sok te bayaluk snaojibal ta stojol te at'el ya x-ak'botike.
- Yakuk xk'ax sbiil te k'alal x-och stsal sbaik sok yantik.
- Yak'el sjunal sbiiline '8 de 8 contra la violencia' sok ya awak' apirma le'a.

IV. Pajal ta spasel yat'elul sok yich'el ta muk' spisil antswinik.

Te Tsaltomba spasiik te Antswiniketik ta 2026 ja'me pajal ya yich' ich'el ta muk' ta ants ta winik, maba ayukik ta bajel sok ich'bilik ta wenta. Ja' yu'un, mayuk stukul te maba pajaluk yil sbaike, maba ayukik ta bajel, smak sbeik mok xjelon bit'il yich' sbaiik ta muk' ja'nax yu'un te yan sts'unbalik mok ja'nax yu'un te ta yan muk'ul lum talemik, yan sk'opik, yawilalik, maba lekik, mok ta swenta yan te sk'op ants ta winik, yan smulanej yot'anik, stalelik mok ja'nax yu'un te ants mok winike, yu'un skuxinelik, sch'unel kajwaltik mok ja'nax yu'un te chikan banti yak'o sbaike mok te bit'il ayike.

Swenta ya yich' ich'el ta muk' spisil antswiniketik sok te lekuk ya yich' tsakel sbiil te mach'atik ya snajk'an sbiilik, yame yich' ilel lek bit'il ya x-ochik sok lekme ya yich' chajbanel bin ya spasiik ta stojol antswiniketik te maba stelemal ayik. Te bina ya yich' ich'el ta muk' ja' te junetik chikanik ilel ta chinam tak'in; te le' pukbil sk'oplal ta bats'il k'op te ik'el ta at'el; ja' te bit'il ya yich'ik juinel swenta stuuntesik te Subsistema; te ayuk spajina ta internet te banti ya x-och yilike; stuuntesel scholojibal a'iejetik; ta schajbanel yora k'alal spasiik te tsaltombae; sok te yakuk awich'ik koltayel k'alal ajojk'iyik te a'ieje, te ayuk mach'a skoltayex ta sk'asesel ta sk'op kok chikin mok uma ja' te sk'oplale mok juibilat k'alal ya xbaat ta yan k'inal, ja' chikan te banti ya xbaatike.

V. Cha'oxkum te bina ya yich' pasel ta 2026

Te Tsaltomba sok Spisil Antswiniketik baluneb ta kum te at'elil ya yich' pasel ta yanyantik k'aalil:

At'elileetik	Sk'aalil
Spukbeyel sjunal te ay ik'el ta at'el	30 yu'un julio ja'to ta 14 yu'un agosto ta 2026
Snajk'anel sok yotsesel abiil swenta tsaltomba	7 ja'to ta 14 yu'un agosto ta 2026
Ya yich' alel bin ora ya xk'oat ta tsaltomba yu'un anaojibal	24 ja'to ta 28 yu'un agosto ta 2026
Snojesel sjunal yu'un te tsaltombae	19 yu'un septiembre ta 2026
Smojt'esel ta internet te junetik swenta ya yich' ilel teme ts'akal awu'un te jun la yich' k'anel	10 ja'to ta 16 yu'un octubre ta 2026
Snojesel sjunal swenta snael anaojibal sok atalel	7 yu'un noviembre ta 2026
Sjojki'yel sk'oplal sok antswiniketik	Ja'to ta 18 yu'un noviembre ta 2026
Ta slajibal ya xlok' sk'oplal te jayeb la alok'es ta sjunal tsaltomba	Nopbil ta yak'el nael ta schebal semana yu'un diciembre ta 2026
Yalel te bin at'el ak'bot te mach'a ju' yu'une	Ta 21 yu'un diciembre ta 2026

VI. Bantinax ya yich' pukel sk'oplal

Spisil te sk'oplal yu'un Tsaltomba ya spasik te Antswiniketik ya yich' ak'el ta nael ta spajina INE: www.ine.mx.

Teme ayto bin ya ak'an ana ta stojol mok ya ak'an koltayel, yame stak' ajojkiy ta **INETEL**, pet'a te ajtaletik **800 433 2000** ta ch'ajan tak'in, mok tikuna beel junuk a'iyej ta correo concurso-ople.spen@ine.mx, ta lunes ja'to ta viernes, ta **9:00** ja'to ta **18:00 oras**, yorail México.